

KJKP "RAD" d.o.o. SARAJEVO

-DIREKTOR-

Broj: 05-03-04- /18

Sarajevo, 25.01.2018. godine

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor donosi

ODLUKU

o izboru najpovoljnijeg ponuđača za nabavku autosmečara

I

Kao najpovoljnijeg ponuđača za nabavku autosmečara, odabiram ponudu ponuđača "TEHNIX" d.o.o. Donji Kraljevec.

OBRAZLOŽENJE

KJKP "RAD" je dana 21.12.2017. godine na portalu javnih nabavki BiH objavilo Obavještenje o nabavci kroz otvoreni postupak sa objavom obavještenja za izbor najpovoljnijeg ponuđača za nabavku autosmečara, sa rokom dostave ponuda 15.01.2018. godine.

Po otvorenom postupku za nabavku pristigle su tri (3) ponude i to ponude ponuđača „LIV - S“ d.o.o. Visoko, konzorcijum „AUTO TRUCK TRADE“ d.o.o. Visoko i „HIDRO – MAK“ Istanbul i „TEKNIX“ d.o.o. Donji Kraljevec.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila sljedeće:

- Ponuđač „LIV - S“ d.o.o. Visoko nije dostavio tehnički crtež i sliku cilindra i stabilizatora kako je naveo u tehničkoj specifikaciji, iz kojih bi se jasno moglo utvrditi gdje se isti nalaze. Dalje, iz dostavljenih tehničkih specifikacija, tehničkog crteža i slike se ne može utvrditi da potisnu ploču pokreću dva hidraulička cilindra za pražnjenje, ugrađeni vertikalno (pomoćni) i horizontalno (radni) u šasiji nadogradnje. Također, iz priloženog opisa konstrukcije nadogradnje autosmečara u tački 5. opisa, sl. 1. je navedeno da je zadnja pokretna kanta izgrađena od čelične konstrukcije i pomoću dva hidraulična cilindra ima mogućnost otvaranja i zatvaranja zadnjeg dijela sanduka iako je tehničkom specifikacijom Ugovorni organ zahtijevao da potisnu ploču pokreću minimalno dva hidraulična cilindra smještena na krovu nadogradnje, izvan spremnika otpada radi sprječavanja kontakta cilindra sa otpadom. Naime, ponuđač je dostavio skicu i katalog nadogradnje iz kojih se ne može utvrditi da li nadogradnja ispunjava sve tražene tehničke specifikacije.
- Ponuđač konzorcijum „AUTO TRUCK TRADE“ d.o.o. Visoko i „HIDRO – MAK“ Istanbul nije dostavio traženu tehničku dokumentaciju u pisanoj i elektronskoj formi: uputstvo za rukovanje, uputstvo za održavanje, katalog rezervnih dijelova i uputstvo i kataloge na bosanskom jeziku, traženu tehničkom specifikacijom, a koju je bilo potrebno dostaviti u ponudi. Također, ponuđač nije dostavio tehnički crtež i sliku cilindra i stabilizatora kako je naveo u tehničkoj specifikaciji, iz kojih bi se jasno moglo utvrditi da se nalaze na mjestima po zahtjevu Ugovornog organa navedeno u tehničkoj specifikaciji. Naime, ponuđač je dostavio skicu i katalog nadogradnje iz kojih se ne može utvrditi da li nadogradnja ispunjava sve tražene tehničke specifikacije u skladu sa zahtjevom Ugovorni organ.

Ponude ovih ponuđača su ocijenjene kao nepotpune te nisu uzete u dalje razmatranje.

Obzirom da se radi o otvorenom postupku javne nabavke kojim nije previđeno sklapanje Okvirnog sporazuma a da je broj prihvatljivih ponuda jedan (1), cijeneći budžet ugovornog organa određen za nabavku predmeta javne nabavke Komisija je utvrdila da je zadovoljena stvarna konkurencija i dala preporuku Ugovornom organu da ponudu ponuđača „TEHNIX“ d.o.o. Donji Kraljevec prihvati kao najpovoljniju, budući da je dostavio svu potrebnu dokumentaciju i ponudio najnižu cijenu od 134.000,00 KM bez uračunatog PDV-a.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

PRAVNA POUKA:

Protiv ove Odluke može se uložiti žalba Ugovornom organu, odnosno KJKP „RAD“, u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka

**DIREKTOR KJKP „RAD“
Selim Babić dipl.ing.građ.**

DOSTAVITI:

- Ponuđačima;
- a/a